

草木典第一百七十五卷

地楊梅部彙考

釋名

地楊梅 拾遺

地楊梅圖

劍南類要

刺棘器曰白衣麻煩子照醫頭

主營

李平樂書

本草綱目

刺棘器曰李氏來歸前曉李草四五尺許十數枝

本草綱目



本草綱目 地楊梅集解

陳藏器曰生江東濕地苗如莎草四五月有子似楊梅也

氣味

辛平無毒

主治

陳藏器曰赤白痢取莖子煎湯服

陰地厥部葉考

釋名

陰地厥

圖經

陰地厥圖



表顯志

王娘

表顯味

懷式

蘇公曰  
根有風味

本草綱目 隱地厥集解

蘇頌曰生鄧州順陽縣內鄉山谷葉似青蒿莖青紫色花作小穗微黃根似細辛七月采根用  
李時珍曰江浙亦有之外家采制丹砂硫黃

根苗氣味

甘苦微寒無毒

主治

蘇頌曰腫毒風熱

附方

男婦吐血後督脈虛熱陰地厥紫河車實衆甘草各半兩每服三錢水煎服

聖濟總錄

赤地利部彙考

釋名

五蕺

拾遺

蛇芮

拾遺

五毒草

拾遺

赤地利

綱目

赤薜荔

綱目

山蓄麥

圖經

赤地利圖



本草綱目 赤地利集解

蘇恭曰所在山谷有之蔓生葉似蘿藦根皮赤黑肉黃赤二月八月采根日乾  
蘇頌曰所在皆有今惟華山生之春夏生苗作蔓繞草木上莖赤葉青似蕎麥葉七月開白花亦如蕎麥結子青色

根若葵莧皮紫赤肉黃赤八月采根曬乾收

陳藏器曰五毒草生江東平地花葉並如蕎麥梗

緊硬如狗脊亦名蛇齒名同物異

李時珍曰五毒草卽赤地利今併爲一

### 根修治

雷敷曰凡采得細剉用藍葉並根同入生絹袋盛之蒸一伏時去藍曬用

### 氣味

苦平無毒 陳藏器曰酸平伏丹砂

### 主治

唐本草曰赤白冷熱諸痢斷血破血帶下赤白生肌肉 陳藏器曰主癰疽惡瘡毒腫赤白遊癰  
蟲蠶蛇犬咬並醋磨傅之亦擣莖葉傅之恐毒入腹煮汁飲

### 發明

李時珍曰唐張文仲備急方治青赤黃白等痢鹿茸丸方中用之則其功長于涼血解毒可知矣

### 附方

小兒熱瘡身面皆有如火燒者赤地利末傅之

火瘡減癢赤地利末油調塗方


聖惠

錦地羅部彙考

釋名

錦地羅  
綱目

錦地羅圖



本草綱目 錦地羅集解

李時珍曰錦地羅出廣西慶遠山巖間鎮安歸順柳州皆有之根似草薢及枯樓根狀彼人頗重之以充方物

根氣味

微苦平無毒

根主治

李時珍曰山嵐瘴毒瘡毒井中諸毒以根研生酒服一錢七卽解

山慈姑部彙考

釋名

金燈拾遺

朱姑綱目

山慈姑綱目

鬼燈檠綱目

鹿蹄草

綱目

無義草酉陽雜俎

古今圖書集成


王方慶園林草木疏

金燈

金燈一曰九形花葉不相見俗惡人家種之一名無義草

段成式酉陽雜俎 金燈

山慈姑圖



古今圖書集成  
金燈隰生花開纍纍明豔垂條不自支俗惡人家種之

本草綱目 山慈姑釋名

李時珍曰根狀如水慈姑花狀如燈籠而朱色故有諸名段成式酉陽雜俎云金燈之花與葉不相見人惡種之謂之無義草又有試劍草亦名鹿蹄草與此同名

集解

陳藏器曰山慈姑生山中濕地葉似車前根如慈姑  
所主略同  
李時珍曰山慈姑處處有之冬月生葉如水仙花之葉而狹二月中枯一莖如箭筈高尺許莖端開花白色亦有紅色黃色者上有黑點其花乃眾花簇成一朶如絲紐成可愛三月結子有三稜四月初苗枯卽掘取其根狀如慈姑及小蒜遲則苗腐難尋矣根苗與老鴉蒜極相類但老鴉根無毛慈姑有毛殼包裹爲異爾用之去毛殼

根氣味

甘微辛有小毒

主治

陳藏器曰癰腫瘡瘍瘻結核等醋磨傅之亦剝人面皮除妍醜  
解諸毒蠱毒蛇蟲狂犬傷

李時珍曰主疔腫攻毒破皮

葉主治

唐慎微曰瘡腫入蜜搗塗瘡口候清血出效

李時珍曰塗乳癰便毒尤妙

花主治

聖惠曰小便血淋滴痛同地藥花陰乾每用三錢水煎服

附方

粉滓面黓山慈姑根夜塗旦洗

普濟方

牙齦腫痛紅燈籠花根煎湯嗽吐

孫天仁集效方

癰疽疔腫

惡瘡及黃疸慈姑連根同蒼耳草等分搗爛以好酒一鍾濾汁溫服或乾之爲末每酒服三錢

生意乾坤

風痰癆疾金燈花根似蒜者一箇以茶清研如泥日中時以茶調下卽臥日中良久吐出雞子大物  
永不發如不吐以熱茶投之

奇效良方

萬病解毒丸一名太乙紫金丹一名玉樞丹解諸毒療諸瘡

利關節治百病起死回生不可盡述凡居家遠出行兵動衆不可無此山慈姑去皮洗極淨焙二兩川五倍子洗刮焙二兩千金子仁白者研紙壓去油一兩紅芽大戟去蘆洗焙一兩半麝香三錢以端午七夕重陽或天德月德黃道上吉日預先齋戒盛服精心治藥爲末陳設拜禱乃壇羅令勻用糯米濃飲和之木臼杵下作一錢一錠病甚者連服取利一二行用溫粥補之凡一切飲食藥毒蟲毒瘴氣河豚土菌死牛馬等毒並用涼水磨服一錠或吐或利卽愈癰疽發背疔腫楊梅等一切惡瘡風癰赤遊痔瘡並用涼水或酒磨塗日數次立消陰陽二毒傷寒狂亂瘧疫喉痺喉風並用冷水入薄荷汁數匙化下心氣痛并諸氣用淡酒化下泄瀉痢下霍亂絞腸沙用薄荷湯下中風中氣口緊眼歪五癲五癇鬼邪鬼胎筋攀骨痛並暖酒下自縊溺水鬼迷心頭溫者冷水磨灌之傳尸癆療涼水化服取下惡物蟲積爲妙久近瘧疾將發時東流水煎桃枝湯化服女人經閉紅花酒化服小兒驚風五疳五痢薄荷湯下頭風頭痛酒研貼兩太陽上諸腹鼓脹麥芽湯化下風蟲牙痛酒磨塗之亦吞少許打撲傷損松節煎酒下湯火傷毒蛇惡犬一切蟲傷並冷水磨塗仍服之一

王璆百選方

中溪毒生瘡朱姑葉搗爛塗之生東間葉如蒜葉外臺祕要

高濂草花譜 金燈花

花開一簇五朵金燈色紅銀燈色白皆蒲生分種

閩書 金燈

金燈莖直上末分數枝枝一花光艷如燈閩中呼爲天蒜又呼爲花葉不相見

山慈姑部藝文一

金燈草賦

梁江淹

山華綺錯陸葉錦名金燈麗草鑄氣含英若其碧莖凌露玉根升霜翠葉暮媚紫榮晨光非錦罽之可學詎瓊瑩之能方迺御秋風之獨秀值秋露之餘芽出萬枝而更明冠衆葩而不羣既豔溢于時暮方照麗於霜分是以移馥蘭畹徙色曲池軼長洲兮杜若跨幽渚兮芳蘿映霞光而爍爚懷風氣而參差故植君玉臺生君椒室炎萼耀天朱英亂日永緒恨於君前遺風霜之蕭瑟藉綺帳與羅帷信草木之願畢

山慈姑部藝文二詩

金燈花

宋晏殊

蘭香熟處光猶淺銀燭燒時焰不馨好向書生牕下種免教辛苦更囊螢

山慈姑部選句

宋晏殊詩煌煌五枝燈下有玉蟠螭

楊巽齋詩如龍乍化青藜焰寃用牕前設短檠

山慈姑部紀事

荆溪游記善權洞秋晚偏壑皆金燈花綺錯如繡

山慈姑部雜錄

花經七品三命金燈

洛陽花木記草花有紅金燈黃金燈白金燈粉紅金燈碧金燈紫金燈

山豆根部彙考

釋名

解毒  
綱目

黃結  
綱目

中藥  
綱目

山豆根  
綱目

大山豆根圖



細大

其根生山間者皆山豆根

圓葉山豆根

李和菴曰

山豆根生山中

人謂之山豆

人謂之山豆

人謂之山豆

人謂之山豆

人謂之山豆

主留

石兵家

本草綱目 山豆根釋名

蘇頌曰其蔓如大豆因以爲名

李時珍曰矮者生平地高者生山中人謂之山豆根林下人謂之甘大根矣

集解

蘇頌曰山豆根生劍南及宜州果州山谷今廣西亦有以忠州萬州者爲佳苗蔓如豆葉青經冬不凋八月采根廣南者如小槐高尺餘石鼠食其根故嶺南人捕鼠取腸胃暴乾解毒攻熱甚效

### 氣味

甘寒無毒 李時珍曰按沈括筆談云山豆根味極苦本草言味甘大誤矣

### 主治

開寶曰解諸藥毒止痛消瘡腫毒發熱欬嗽治人及馬急黃殺小蟲 蘇頌曰含之嚥汁解咽喉

腫毒極妙 李時珍曰研末湯服五分治腹脹喘滿酒服三錢治女人血氣腹脹又下寸白諸蟲

丸服止下痢磨汁服止卒患熱厥心腹痛五種痔痛研汁塗諸熱腫禿瘡蛇狗蜘蛛傷

### 附方

解中蠱毒密取山豆根和水研服少許未定再服已禁聲者亦愈 五般急黃山豆根末水服二

錢若帶蠱氣以酒下 霍亂吐利山豆根末橘皮湯下三錢 赤白下痢山豆根末蜜丸梧子

大每服二十丸空心服白湯下三服止已上並備急方 水蠱腹大有聲而皮色黑者山豆根末酒服二